



PROGRAM PERKHEMAHAN PELAJAR DPLI GEOGRAFI 2010/2011

Pelaksanaan Program Perkhemahan ini dianjurkan oleh mahasiswa/i Diploma Pendidikan Lيسان Ijazah (DPLI) Sesi 2010/2011. Tujuannya adalah untuk memenuhi keperluan kursus DTT5412 Pengurusan dan Pengelolaan Kokurikulum dalam Semester kedua. Program ini merupakan satu program yang bertujuan untuk menyediakan bakal guru dengan pengalaman sebenar dalam merangka dan melaksanakan aktiviti perkhemahan di masa akan datang. Disamping itu, program ini dapat membina motivasi dan pementapan jati diri dalam bakal guru dalam mempelbagaikan aktiviti yang dijalankan. Objektif utama Program perkhemahan ini adalah untuk mendedahkan bakal guru dengan keadaan sebenar perkhemahan yang dijalankan di sekolah disamping mengaplikasikan ilmu pengetahuan yang telah dipelajari.

Program ini disertai oleh pelajar DPLI UMS seramai 20 orang termasuk dua orang pensyarah pengiring iaitu YM En Raja Ismail dan En Anuar. Aktiviti ini telah diadakan di *Outdoor Development Centre* (ODEC) pada 08, 09 dan 10 Disember 2010. Aktiviti ini dilaksanakan selaras dengan kehendak Kementerian Pelajaran untuk melahirkan bakal guru ke arah pembentukan modal insan yang seimbang dari segi intelek, rohani dan jasmani.

Aktiviti yang dijalankan ini adalah berkayak, *Jungle Trekking*, *Orienteering* dan pengenalan kepada kawad kaki yang mana aktiviti-aktiviti seperti ini kerap kali dilaksanakan semasa perkhemahan di sekolah. Oleh itu, sebagai bakal guru adalah penting untuk mendapat pendedahan awal bagi memastikan keselantaran aktiviti yang akan dilaksanakan sebagai seorang guru yang serba boleh dan berpegetahuan luas di sekolah nanti. Pada masa yang sama bakal guru juga dapat mempraktikkan apa yang telah mereka pelajari seperti mendirikan khemah, jenis-jenis ikatan dan aspek keselamatan semasa perkhemahan dilaksanakan.

Diharapkan agar aktiviti yang dilalui oleh para bakal guru dapat memberi input

yang baik dalam memupuk perpaduan dan integriti kaum sejajar dengan konsep 1 Malaysia di masa akan datang dan dapat melahirkan modal insan yang cemerlang, gemilang dan terbilang dan seimbang dari segi jasmani, emosi, rohani, intelek dan sosial.

